

Pfiat Eich es Oaschlecha

Text: Tom Lackner

- 1) Zweite Klass in Foatrichtung und Raucha
A Koffa und a Zahnbiaschtl zua Not
Sein oid'n Teddybään aus Plüsch, den braucht a
Fünf Tschick, a Dos'n Bier und a hoibats Brot
De Häisa ziang aun eam vuabei
De Kiachng und die Tischlerei
Da Schpuatplotz und de Schui san längst passé
De Oaweit loßt a hinta sich
En Schef, den oid'n Wüterich
Und de Nochboan, mitsaumt ian g'föed'n Schmäh

Und sogt:

- Refr. Pfüat Eich, es Oaschlecha, bis schpäta!
Wos schaut's so deppat, wiad's Eich endlich kloa?
Eicha guada Lotsch is ohposcht und mocht Meta!
Und i sog's wia's is, des G'föh is wundaboa.

2. Zwanz'g Joah hobt's mi ausg'nutzt, oda länga
Hobt's g'sogt „Spring!“, und i hob nua mea g'froggt „Wia hoch?“
Und waunn i amoi ned g'schbuat hob, woat's hoit schtrena
Fia Eich woa i doch nua da Trott'l vom Foch
I kaunn die Mama wana hean:
„Da Bua muaß amoi Tischla wean!“
Und wos is g'scheng? Da Bua is Tischla wuan
Oba hobt's ia Eich nua amoi g'froggt
Wos da Bua denn dazu sogt?
Nua leida geht da Bua Eich heit valuan

Wöel i sog:

- Refr. Pfüat Eich ...

3. Finsta wiad's, da Zug foat imma weida
Des Rattern von de Rad'ln tuat ma guat
Und mit jed'n Kilometa wiad ma leichta
Wann's höh wiad, bin i irgendwo weit fuat
I waß ned, wos die Zukunft bringt
Ob's guat geht, ob ma oiß gelingt
I waß nua ans: Vüh schlimma kaunn's ned wean
De Hauptsoch is, i bin am Lem
Und nimma mea von Eich umgem
Baba, leckt's mi am Oasch, und hobt's mi gean!

I sog:

- Refr. Pfüat Eich, es Oaschlecha ...

- Fin Pfüat Eich God, es G'sichta, hawe d' Ehre!
Baba und guade Nocht, i söe mi oh
Ah jo, und kummt`s ma bitte nimma in die Quere!
Wöel am Oasch geh kennt's Eich söwa grod a so